



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726-444  
fax. +387 33 726-423  
e-mail: [info@voda.ba](mailto:info@voda.ba)

Broj: **UP-1/21-1-40-242-4/24**  
Datum: **20.06.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica «VZ COMMERCE» d.o.o. Gornji Vakuf-Uskoplje za donošenje rješenja o prethodnoj vodnoj saglasnosti za ispuštanje tehnoloških otpadnih voda u prirodni recipijent i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku istraživanja i eksploatacije mineralnog resursa lerzolita na lokalitetu «Željezno Polje» K.O. Papratnica, općina Žepče, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **RJEŠENJE** **o prethodnoj vodnoj saglasnosti**

1. Daje se prethodna vodna saglasnost pravnom licu «VZ COMMERCE» d.o.o. Gornji Vakuf-Uskoplje za ispuštanje tehnoloških otpadnih voda u prirodni recipijent i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku istraživanja i eksploatacije mineralnog resursa lerzolita na lokalitetu «Željezno Polje» na zemljištu označenom kao k.č. broj: 51/1, 51/13, 51/14, 51/106 i 586 K.O. Papratnica (PL broj 85) i k.č. broj 51/44 (PL 749) K.O. Papratnica, općina Žepče, a u postupku pribavljanja urbanističke saglasnosti i okolinske dozvole ukoliko je za predmetni objekat i aktivnost potrebna okolinska dozvola.
2. Ova prethodna vodna saglasnost ne oslobađa podnosioca zahtjeva obaveze pribavljanja prethodne vodne saglasnosti za zahvatanje vode i ispuštanje sanitarno fekalnih otpadnih voda iz pratećih objekata i eventualno drugih aktivnosti koje se planiraju izvoditi na predmetnom lokalitetu za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona, u skladu sa članom 139. stav (2) tačka 1. i 2. Zakona o vodama ili općina, ukoliko je kantonalnim propisom prenesena nadležnost na općinu, shodno stavu (3) istog člana Zakona.
3. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod sljedećim uslovima:
  - 3.1. Da je planirana aktivnost usklađena sa važećom prostorno-planskom dokumentacijom i razvojnim planovima Općine Žepče.
  - 3.2. Da se u okviru projektnog rješenja primjene tehničko-tehnološke mjere kojima će se spriječiti kontaminacija vode, tla i zraka.
  - 3.3. Izraditi investiciono tehničku dokumentaciju potrebnu za pribavljanje vodne saglasnosti za ispuštanje tehnoloških otpadnih voda koje će nastati kao posljedica provođenja aktivnosti koje uključuju istražne radove i ispitivanja, kao i aktivnosti na otkrivanju, eksploataciji i preradi mineralne sirovine lerzolita na predmetnom lokalitetu «Željezno Polje», općina Žepče u okviru odobrenog koncesionog polja tj aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku istraživanja i eksploatacije.
  - 3.4. Investiciono-tehnička dokumentacija treba biti urađena i revidovana od strane pravnih lica koja imaju ovlaštenja (lista «A») pribavljena od strane Federalnog ministarstva poljoprivrede, vodoprivrede i šumarstva i treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22) koja su bitna za konkretan slučaj, a naročito:
    - Na osnovu proračuna količina tehnološke vode potrebne za potrebe proizvodnje, obaranja prašine na transportnim putevima i radnim površinama te za postupak separacije mineralne sirovine lerzolita i za potrebe pranja pri servisiranju građevinskih mašina i opreme, obraditi tehničko rješenje snabdijevanja vodom, način zahvata vode, dovoda

vode do eksploatacionog polja i mjerenja količina utrošene vode, sa svim potrebnim hidrauličkim proračunima, grafičkim prilogima i tehničkim opisom. Zahvatanje vode do 10 lit/sec zahtijeva izdavanje odgovarajućeg vodnog akta koji će Investitoru izdati kantonalni organ uprave nadležan za vode.

- Kompletan proračun kvantitativnih i kvalitativnih karakteristika tehnoloških i ostalih otpadnih voda koje nastaju na lokaciji predmetnog eksploatacionog polja sa relevantnim parametrima potrebnim za projektovanje sistema za prikupljanje, odvodnju i tretman istih prije ispusta u krajnji recipijent.
  - Dati tehničko rješenje sistema za prikupljanje, odvodnju i prečišćavanje tehnoloških otpadnih voda nastalih na prostoru drobilnog postrojenja i separacije mineralne sirovine lerzolita, parking površinama, na prostoru pretakališta, na pralištima odnosno prostorima na kojima će se vršiti pranje radnih mašina (koje mogu biti opterećene suspendovanim materijama, mastima i uljima) sa svim potrebnim proračunima i tehničkim opisom sa definisanim načinom ispusta prečišćenih voda u recipijent.
  - Dati tehničko rješenje sistema za prikupljanje, odvodnju i prečišćavanje zamuljenih oborinskih onečišćenih voda sa radnih platoa, otkopnih etaža i manipulativnih površina sa načinom i mjestom ispuštanja prečišćenih voda u utvrđeni recipijent.
  - U cilju praćenja kvaliteta ispuštene prečišćene otpadne vode, potrebno je da se na odvodnom cjevovodu a prije ispusta u recipijent – rijeka Ograina predvidi izgradnja okna za monitoring.
  - Dati osnovne podatke o recipijentu, sa detaljem ispusta prečišćenih voda u isti. Lokalizet ispusta prečišćenih voda mora biti naznačen na situaciji adekvatne razmjere, kao i mjesto vršenja monitoringa prečišćenih voda (okno za uzimanje uzoraka).
- 3.5. Projektnom dokumentacijom definisati da se opasni materijal i otpad ne smije ni privremeno odlagati na česticu «vodno dobro», odnosno u vodotok i na njegove obale.
- 3.6. Usvojenim sistemom prečišćavanja tehnoloških otpadnih voda (zamuljenih oborinskih i voda nastalih pranjem mehanizacije) koje nastaju na eksploatacionom polju mora se obezbjeđiti da kvalitet prečišćenih otpadnih voda, prije ispusta u recipijent – rijeka Ograjina zadovolji granične vrijednosti definisane u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24).
- 3.7. Projektnom dokumentacijom obuhvatiti i situativno prikazati cjelokupan lokalitet na kojem će se vršiti eksploatacija i separacija mineralne sirovine lerzolita uključujući i prateće sadržaje i postrojenja na lokalitetu «Željezno Polje» K.O. Papratnica, općina Žepče te definisati tačan položaj eksploatacionog polja u odnosu na rijeku Ograinu i ostale vodotoke i sagledati mogućnost nastajanja neželjenih uticaja na kvalitet površinskih i podzemnih voda.
- 3.8. Projektnom dokumentacijom sagledati sve moguće neželjene uticaje planiranih radova na režim površinskih i podzemnih voda, postojeću infrastrukturu, druge objekte i postrojenja, stečena prava korisnika, naselja i slično i dati prijedlog mjera za uklanjanje odnosno ublažavanje tih utjecaja.
- 3.9. Skladište ulja i maziva je potrebno natkriti ili izgraditi namjenski objekat za skladište i pretakanje ulja i maziva te uraditi podnu ploču od vodonepropusnog betona otpornog na dejstva hemikalija.
- 3.10. Pri izradi tehničke dokumentacije pridržavati se uslova iz Urbanističke saglasnosti, zakonske regulative vezane za ovakvu vrstu radova, ekološko-ekonomskih zahtjeva te pravila struke i nauke.
- 3.11. Investiciono tehnička dokumentacija mora biti urađena na nivou glavnog projekta potrebnog za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
- 3.12. Projektnom dokumentacijom otkloniti mogućnost privremenog i trajnog odlaganja opasnog otpada uz vodotoke, u području izvorišta vode za piće i sl.

4. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i okolinske dozvole i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima, Pravilnikom o sadržaju, obliku, uslovima, načinu izdavanja i čuvanja vodnih akata, («Službene novine Federacije BiH» broj 31/15, 55/19, 41/20 i 63/22).
5. Po izradi i reviziji investiciono-tehničke dokumentacije u skladu sa uslovima iz tačke 3. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
6. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata. Uz zahtjev se prilaže:
  - 6.1. Revidovana Investiciono-tehnička dokumentacija urađena na nivou glavnog projekta i u skladu sa uslovima iz dispozitiva ovog rješenja
  - 6.2. Rješenje o urbanističkoj saglasnosti
  - 6.3. Rješenje o okolinskoj dozvoli ili potvrda nadležnog organa da ista nije potrebna
  - 6.4. Dokaz o izvršenoj uplati upravne takse u iznosu od 60 KM.
7. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
9. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### O b r a z l o ž e n j e

Pravno lice, «VZ COMMERCE» d.o.o. Gornji Vakuf-Uskoplje obratilo se ovoj Agenciji dana 20.05.2024. godine sa zahtjevom za izdavanje prethodne vodne saglasnosti za ispuštanje tehnoloških otpadnih voda u prirodni recipijent i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku istraživanja i eksploatacije mineralnog resursa lersolita na lokalitetu «Željezno Polje» na zemljištu označenom kao k.č. broj: 51/1, 51/13, 51/14, 51/106 i 586 K.O. Papratnica (PL broj 85) i k.č. broj 51/44 (PL 749) K.O. Papratnica, općina Žepče.

U provedenom postupku, uz zahtjev za izdavanje prethodne vodne saglasnosti dostavljena je i pregledana sljedeća dokumentacija:

- Ovjerena kopija Rješenja o sudskoj registraciji broj: 051-0-Reg-19-000238 izdatog dana 14.05.2019. godine od strane Općinskog suda u Travniku,
- Ovjerena kopija Uvjerenja o registraciji poreznog obveznika izdatog dana 15.05.2019. godine od strane Porezne uprave Federacije BiH – Kantonalni porezni ured Novi Travnik,
- Ovjerena kopija Stručnog mišljenja o mogućnosti odobravanja planirane promjene u prostoru broj: 03-19-4-647/24 izdatog dana 23.04.2024. godine od strane Službe za graditeljstvo i prostorno uređenje Općina Žepče (prilog: izvod iz prostorno planske dokumentacije),
- Ovjerena kopija katastarskog plana izdatog dana 17.04.2024. godine od strane Službe za graditeljstvo i prostorno uređenje Općina Žepče,
- Ovjerene kopije zemljišnoknjižnog izvataka broj: 044-0-NAR-24-000292 ZK uložak broj:26 (za parcele označene kao k.č. broj: 51/1, 51/13, 51/14, 51/106 i 586 K.O. Papratnica) i broj: 044-0-NAR-24-000291 ZK uložak broj:25 (za parcelu označenu kao k.č. broj: 51/44 K.O. Papratnica) izdate dana 15.05.2024. godine od strane Zemljišnoknjižnog ureda - Općinski sud u Žepču,
- Studija za izdavanje prethodne vodne saglasnosti za kamenolom «Ograina» kod Žepča Investitora «VZ COMMERCE» d.o.o. Gornji Vakuf-Uskoplje urađena od strane «EDI-ING» d.o.o. Donji Vakuf (šifra: 24/05-Ž/1, maj 2024. godine),



- Ovjerena kopija Ugovora o koncesiji za istraživanje i eksploataciju mineralnog resursa lersolita na lokalitetu «Željezno Polje» KO Papratnica, općina Žepče broj: 04-14-12031-16/22 zaključenog dana 18.04.2024. godine između Ministarstva za privredu Zeničko-dobojskog kantona (Koncesor) i «VZ COMMERCE» d.o.o. Gornji Vakuf-Uskoplje (Koncesionar).
- Dokaz o uplati upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i članom 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 28.05.2024. godine obavještena javnost putem obavještenja na oglasnim pločama «Agencije za vodno područje rijeke Save» u Sarajevu i u Uredu u Zenici, te dana 29.05.2024. godine u dnevnom glasilu «OSLOBOĐENJE». U datom roku nije bilo pisanih izjašnjenja o predloženim aktivnostima iz zahtjeva. U datom roku nije bilo pisanih izjašnjenja o predloženim aktivnostima iz zahtjeva.

Na osnovu uvida u dostavljenu dokumentaciju utvrđeno je:

Koncesiono polje za istraživanje i eksploataciju mineralnog resursa lersolita na lokalitetu «Željezno Polje» K.O. Papratnica, općina Žepče nalazi se na prostoru Zeničko-dobojskog kantona i ograničeno je graničnim linijama sa prelomnim tačkama kako slijedi:

| Tačka | Koordinate istražno-eksploatacionog prostora |           |
|-------|----------------------------------------------|-----------|
|       | Y                                            | X         |
| A'    | 6 499 134                                    | 4 919 418 |
| B'    | 6 499 134                                    | 4 919 500 |
| C'    | 6 499 800                                    | 4 919 450 |
| B     | 6 499 800                                    | 4 919 450 |
| A     | 6 499 400                                    | 4 919 400 |
| E'    | 6 499 678                                    | 4 919 400 |
| F'    | 6 499 652                                    | 4 919 380 |
| G'    | 6 499 570                                    | 4 919 346 |
| I'    | 6 499 503                                    | 4 919 367 |
| J'    | 6 499 449                                    | 4 919 395 |
| K'    | 6 499 391                                    | 4 919 386 |
| L'    | 6 499 321                                    | 4 919 412 |
| M'    | 6 499 291                                    | 4 919 445 |
| N'    | 6 499 202                                    | 4 919 414 |
| A'    | 6 499 134                                    | 4 919 418 |

Ukupna površina koncesionog područja iznosi 4,988 ha i nalazi se na parcelama označenim kao k.č. broj: 51/1, 51/13, 51/14, 51/106 i 586 K.O. Papratnica (upisano u PL broj 85) i k.č. broj 51/44 (upisano u PL 749) K.O. Papratnica, općina Žepče.

Ugovor o koncesiji zaključen je na osnovu Odluke Vlade Zeničko-dobojskog kantona broj: 02-14-3699/24 od 23.02.2024. godine o dodjeli koncesije za istraživanje i eksploataciju mineralnog resursa lersolita na lokalitetu «Željezno Polje» KO Papratnica, općina Žepče, Saglasnosti Općinskog Vijeća Općine Žepče broj: 01-19-94/23 od 27.06.2023. godine i Odluke o izmjeni Saglasnosti Općinskog Vijeća Općine Žepče broj: 01-19-144/23 od 31.10.2023. godine te mišljenja Kantonalnog pravobranilaštva Zenica broj: M-20/24 od 27.03.2024. godine.

Ugovor o koncesiji broj: 04-14-12031-16/22 zaključen je dana 18.04.2024. godine između Ministarstva za privredu Zeničko-dobojskog kantona (Koncesor) i «VZ COMMERCE» d.o.o. Gornji Vakuf-Uskoplje (Koncesionar) na period od 20 godina.

Na predmetnom lokalitetu planirano je da se vrši iskop, drobljenje, klasifikacija te utovar i transport usitnjenog i klasificiranog kamenog materijala. Eksploatacija će se vršiti u vidu površinskog kopa na kome je planirano je postavljanje mobilnog drobilnog postrojenja, mobilne separacije, kontejnera za smještaj radnika, kontejnera sa sanitarnim čvorom i čajnom kuhinjom, autocisterne za obezbjeđenje nafte i naftnih derivata te prostor za pranje građevinske mehanizacije.

Snabdijevanje uposlenih pitkom vodom planirano je da se obezbijedi dovozom vode putem cisterne u spremnik kapaciteta min 2000 (l) a prikupljene sanitarno fekalne vode iz toaleta biće odvedene u septičku jamu bez preliva koja će se periodično prazniti i čistiti.

Za obezbjeđenje tehnološke vode za prskanje i obaranje prašine tj smanjenje koncentracije prašine i lebdećih čestica kao i vode za pranje mehanizacije planiran je zahvat na rijeci Ograina uzvodno od predmetnog eksploatacionog područja.

Za prihvrat zamuljenih onečišćenih voda sa radnih platoa i otkopnih etaža predviđen je otvoreni betonski kanal sa odvodom u taložnik u koji će se dovesti i prikupljene tehnološke otpadne vode sa prališta mehanizacije. Nakon taložnika planiran je separator ulja i masti. Prečišćene vode će se preko okna za monitoring ispuštati u recipijent - rijeka Ograina.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva «VZ COMMERCE» d.o.o. Gornji Vakuf-Uskoplje su ovim vodnim aktom, u tački 3. dispozitiva rješenja, shodno odredbama Zakona o vodama, Pravilnika o sadržaju, obliku, uslovima i načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije, propisani uslovi koje je dužan ispuniti prilikom izrade projektne dokumentacije koja će biti potrebna u postupku pribavljanja vodne saglasnosti i odobrenja za građenje.

Na osnovu prednjeg i provedenog postupka, a shodno odredbama člana 111. Zakona o vodama i člana 5. i članom 10. stav (3) Pravilnika o sadržaju, obliku, uslovima, načinu izdavanja i čuvanja vodnih akata, doneseno je rješenje kao u dispozitivu.

Podnosilac zahtjeva je uplatio upravnu i administrativnu taksu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH» broj: 06/98, 8/00, 45/10 i 43/13).

#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta  
Nermine Hodžić, dipl.ing.građ.



Po ovlaštenju  
Rukovodilac sektora za izdavanje  
vodnih akata

*Haris Ališehović*  
Haris Ališehović, dipl.ing.građ.

#### **Dostaviti:**

- «VZ COMMERCE» d.o.o. Gornji Vakuf-Uskoplje  
ul. Vrbaska bb, 70280 Gornji Vakuf-Uskoplje
- AVP Sava, ISV-vodna knjiga
- Sektor 40 – arhiva
- Oglasna ploča AVP Sava